

LE  
GOVERNEMENT  
PRESENT. OV ELOGE  
DE SON EMINENCE.

SATIRE, OV LA MILIADE.







# LE GOVVERNEMENT PRESENT. OV ELOGE DE SON EMINENCE.

*Satyre ou la Miliade.*

**P**EVPLE esleuez des Autels  
Au plus Eminent des mortels,  
A la premiere Intelligence,  
Qui meut le grád corps de la France  
A ce soleil des Cardinaux,  
De qui d'Amboise & d'Albornox,  
Ximenes & tout autre Sage,  
Doiuent adorer le visage.  
Le Globe de l'Astre des Cieux  
Est moins clair & moins radieux,  
Ses rayons percent les tenebres,  
Produisent trête Autheurs celebres,  
Et font vn affront au soleil,  
Par cet ouurage non pareil.  
Que si vos debiles paupieres  
Ne peuuent souffrir les lumieres,  
De ce corps desia glorieux,  
Qui vous esbloüiront les yeux,  
Contemplez l'ame plus obscure,  
La sagesse & la foy moins pure,  
Le iugement moins lumineux  
De ce Polytique fameux  
Qui rend l'Espagne triomphante,  
Et la France si languissante,  
Dans ses ambitieux souhaits:  
Il ne veut ny trefue ny paix,  
Sa fureur n'a point d'interualles,  
Il suit les vertus infernales,  
Les fourbes & les trahisons,

Les pariures & les poisons  
Rendent sa probité celebre,  
Iusqu'en l'empire des tenebres.  
C'est le Ministre des enfers,  
C'est le demon de l'Vniuers,  
Le fer, le feu, la violence,  
Signallent partout sa clemence.  
Les freres du Roy mal traittez,  
Les Mareschaux decapitez,  
Quatre Princeesses exilées,  
Trente Prouinces desolées,  
Les Magistrats emprisonnez,  
Les grands Seigneur empoisonnez,  
Les Gardes des Sceaux dans les  
chaisnes,  
Les gentils-hômes dans les gesnes,  
Tant de genereux Innocents  
Dans la Bastille gemissans,  
Cette foule de miserables,  
Où les criminels sont coupables,  
D'auoir trop d'esprit ou de cœur,  
Trop de franchise ou de valeur,  
Tant d'autres celebres victimes,  
Tant de personnes magnanimes,  
Qu'il tient sous les barbares loix,  
Dont il ne peut souffrir la voix,  
Dont il redoute le courage.  
Dont il craint mesme le visage:  
Ce grand nombre de mal-heureux

A ij



Qui sentent son ioug rigoureux:  
 Leur sang, leurs prisons, leurs sup-  
 plices,  
 Sont ses plus aimables delices:  
 Il se nourrit de leurs mal-heurs,  
 Il se baigne en l'eau de leurs pleurs,  
 Et sa haine fiere & cruelle  
 Dans leur mort mesme est immor-  
 telle,  
 Il agite encor leur repos,  
 Il trouble leur cendre & leurs os,  
 Il deshonnore leur memoire,  
 Leur oste la vie & la gloire.  
 Cet tyran veut que ces martyrs  
 N'ayent que d'infames souspirs,  
 Dans leur plus iniuste souffrance,  
 Qu'on approuue ses violences,  
 Et qu'on blesse la verité,  
 Pour adorer sa cruauté.  
 Il ayme les fureurs brutales,  
 Des trois suppots de sa caballe,  
 De ce pouruoyeur de bourreaux,  
 Et de ces deux monstres nouveaux,  
 Qui plus terribles qu'un Cerbere,  
 Deschirent sans estre en colere:  
 De Testu cette ame de fer,  
 Digne Preuost de Lucifer,  
 Cet instrument de tyrannie,  
 Qui rend la liberté bannie,  
 Ce Geolier, qui de sa maison  
 Faict vne cruelle prison,  
 Et qui traite avec insolence  
 Les braues Marechaux de France,  
 Lors qu'il les conduit à la mort,  
 Lors que l'Estat pleure leur sort,  
 Lors que leur destin miserable  
 Rendroit vn Tygre pitoyable.  
 Mais quels insignes attentats  
 N'ont faict MACHAVD &  
 L'AFFEMAS?

Quels Iuges sont aussi seueres,  
 Que ces deux cruels Commissaires,  
 Ces bourreaux, de qui les souhaits,  
 Sont de peupler tous les gibets,  
 De qui les mains sont tousiours pre-  
 stes  
 A couper des illustres testtes,  
 A faire verser à grands flots,  
 Le sang dessus les eschaffaux:  
 La mort naturelle & commune  
 Leur desplait & les importune,  
 Et la sanglante a des appas,  
 Où leurs cœurs prennent leurs esbats.  
 En decapitant ils se iouent,  
 Ils sont encor plus guays s'ils rouët,  
 Mais leur plus agreable ieu,  
 Est de bruler à petit feu.  
 A R M A N D a choisi ces deux  
 Scythes  
 Pour ses fideles satellites,  
 Pour monstrier qu'il tient en ses  
 mains  
 La vie & la mort des humains,  
 Et qu'il regne par sa puissance,  
 Comme les Roys par leur naissance,  
 Ses Iuges menacent les Grands,  
 Et font trembler les innocens.  
 Castrain, Marillac & de Iarre  
 Ont paty deuant ces barbares,  
 Et veu leur mort dedans les yeux  
 De ces Tygres audacieux.  
 A R M A N D voulant des sacrifices  
 De cruauté & d'iniustice,  
 Pour paroistre ses seruiteurs,  
 Ils sont les sacrificateurs.  
 Ce Moloc pour ses Prestes,  
 Il arme de cousteaux tes traistres,  
 Pour immoler sur ses Autels  
 Non des bestes, mais des mortels,  
 Le vieux tyran des Arsacides



A moins commandé d'homicides,  
Que ce moderne Phalaris,  
Cemonstre entre les fauoris,  
Son œil farouche & sanguinaire  
S'alume dedans sa colere,  
Ses regards sont d'un bazilic,  
Sa langue a le venin d'aspic,  
Elle sert d'arme à sa malice,  
Elle couure son iniustice,  
Et mesle la douceur du mie  
A l'amertume de son fiel,  
Et sa parole est infidelle,  
Autant que sa main est cruelle,  
Il ne perce qu'en caressant,  
Et n'estouffe qu'en embrassant,  
Il flatte lors mesme qu'il tue,  
Et son ame n'est iamais nue,  
Il deguise ses actions,  
Diffimule ses passions,  
Compose son geste & sa mine.  
Le demon à peine deuine,  
Le mal qu'il cache dans son sein  
Il lit à peine en son dessein,  
Il ayme les laches finesses,  
De perdre malgre ses promesses,  
De lancer soudain dans les airs  
La foudre sans bruiet, sans esclairs,  
De faire esclater vn orage,  
Lors que le ciel est sans nuage,  
Il est meschant, il est trompeur,  
Il est brutal, il est menteur,  
Ses baizairs sont baizers de traistre  
Il n'est iamais ce qu'il feint d'estre,  
Il trompe par tous ses discours,  
Et s'il traite avecque des sours  
Il les deçoit par son visage,  
Contrefaict le doux & le sage,  
Leur soufrit, leur presse les mains,  
Et par des conseils inhumains,  
raict apres tomber sur leur teste

Vne formidable tempeste,  
Si les Reynes l'ont en horreur,  
Il pleure pour gaigner leur cœur,  
Il les combat avec leurs armes,  
Et lors qu'il verse plus de larmes,  
Il leur prepare vne prison,  
Et s'il est besoin du poison,  
Ses pleurs sont pleurs de crocodile,  
Qui menacent de la bastille,  
Qui pour venger des desplaisirs,  
Caulent des pleurs & des souspirs.  
Son ame prend toute figure,  
Hormis celle d'une ame pure,  
Il faict ce qu'il veut de son corps,  
Le dedans combat le dehors,  
C'est luy sans que ce soit luy mesme,  
En fin c'est vn bouffon supresme,  
Sans masque il est tousiours masqué,  
Turlupin n'a point pratiqué  
Tant de tours ny tant de souplestes  
Tant de fourbes ny tant d'adresses  
Que ce protecteur des bouffons,  
Ce grand mœccenas des fripons,  
Il faict bien chaque personnage,  
hors celui d'un Ministrefage,  
Il imite bien les tyrans,  
Et les Ministres ignorans,  
Ce charlatan sur son theatre;  
Croit voir tout le monde idolatre  
De ses discours de ses leçons,  
De ses pieces, de ses chansons.  
On souffriroit ses comedies,  
Quoy que foibles & peu hardies,  
Si des tragiques mouuemens  
N'en troubloient les contètemens,  
S'il n'auoit affoibly la France,  
En destruisant son abondance,  
En augmentant tous les impoz  
En multipliant tous les maux,  
En tirant le sang des prouinces;



En persecutant les grands Princes,  
 En outragant les potentats,  
 En leur vsurpant tous leurs Estats,  
 En formant vne longue guerre,  
 En l'attirant dans nostre terre,  
 En nous liurant aux Estrangers,  
 En mesprisant les grands dangers,  
 En desgarnissant les frontieres  
 En n'assurant point les riuieres,  
 Bref en abandonnant les Lys  
 A la fureur des ennemis,  
 Au sort des armes si funestes,  
 A la faim, la guerre, la peste,  
 Lors qu'il doit penser aux combats,  
 Il prend les comiques esbats,  
 Et pour ouurage se propose  
 Quelque poëme pour Belle-rose,  
 Il décrit de fausses douleurs,  
 Quand l'Estat sët de vrayes malheurs,  
 Il trace vne piece nouvelle,  
 Quand on emporte la Capelle,  
 Et consulte encor Boif-robert,  
 Quand vne Prouince se pert,  
 Les peuples sont touchez de crainte  
 Le Parlement porte leur plainte,  
 Implore le Roy pour Paris,  
 Sans offenser les fauoris.  
 ARMAND, toutesfois, le querelle,  
 Enflamme sa face cruelle,  
 Et d'un regard de furieux,  
 Le traite de seditieux.  
 Certes illustre Compagnie,  
 Tu dois adoucir ce genie,  
 Dont le iugement nompareil,  
 Paroist plus clair que le Soleil,  
 Luy seul descouure toute chose,  
 Preuient les effets dans leur cause,  
 Perce la nuit de l'aduenir,  
 Sçait tout deffendre & tout munir,  
 Il a pris l'attaque du Liege

Par vne fraude, & par vn piege:  
 Il a preueue que tu vois,  
 Le meurtre des peuples François,  
 Dix mille bourgades pillées,  
 Vn grād nombres d'autres brullées,  
 L'horreur, la mort de toutes parts,  
 Trente mille habitans esparts,  
 Cachez dans les lieux solitaires,  
 Dix mille desia tributaires,  
 Et les fers encor preparez  
 Aux foibles & moins remparez,  
 Demeure donc dans le silence  
 Auguste oracle de la France,  
 Laisse Armand mener le vaisseau,  
 Nul autre Pilote nouveau  
 Ne peut coniuurer la tempeste,  
 Qui groñde dessus nos testes,  
 Luy seul commande aux Elemens,  
 Luy seul est le Maistre des vents,  
 Luy seul bride le fier Neptune,  
 Lors que son onde l'importune,  
 Il luy fait des escueils nouveaux,  
 Il se promene sur ses eaux,  
 Et d'une digue merueilleuse  
 Dompte sa nature orgueilleuse,  
 Si le Dieu de toutes les Mers  
 S'est veu captif dessous ses fers,  
 Ne domptera-il pas l'Espagne,  
 S'il la rencontre à la campagne?  
 Les humains flechiront-ils pas,  
 Voyants que les Dieux sont à bas?  
 Il a vaincu les Nereides,  
 Terrassé les troupes humides,  
 Foudroyé cent mille Tritons,  
 Et ne craint vingt mille fripons,  
 Et cest l'Espagnole canaille,  
 Qui fuira deuant la bataille.  
 ARMAND, le plus grand des hu-  
 mains  
 Portele tonnerre en ses mains,



Il gouuerne la destinée,  
Tient la fortune enchainée,  
Son esprit fait mouuoir les Cieux,  
Braue les Rois & les Dieux.  
Crains-tu de n'auoir point de pou-  
dre?

Ce Iupiter porte le foudre.  
Crains-tu de manquer de canons?  
Il est trop au dessus des noms,  
Au dessus des tiltres vulgaires,  
Au dessus des loix ordinaires,  
Pour employer dans les combats,  
Autre tonnerre que son bras,  
Ses moins fortes rodomontades  
Sont bien plus que des canonades,  
Dans ses plus foibles visions  
Il terrasse dix legions,  
En parlant avec ses esclaués  
Il fait desia peur aux plus braues,  
Avec ses seules vanitez  
Il reprend desia des Citez,  
Et dans sa plus froide arrogance  
Conçoit vne riche esperance,  
Il plaint quasi ces Estrangers,  
De s'estre mis dans les dangers,  
Où se sont mis Valence & Dosle,  
Par leur temerité friuolle,  
Ce sage se rit de ces fous,  
Et les croit voir à deux genoux  
Excuser leur outrecuidance,  
D'auoir irrité sa prudence,  
D'auoir mespris Richelieu,  
Dont le nom rime à demy-Dieu,  
D'auoir d'vne atteinte mortelle  
Esbranlé sa pauvre ceruelle,  
D'auoir resueillé ses humeurs,  
Qui l'ont agité de fureurs,  
D'auoir terny toute sa gloire,  
D'auoir esmeu sa bile noire,  
D'auoir rendu son poil plus blanc,

D'auoir trop eschauffé son sang,  
Et d'auoir reduit son derrière  
A sa disgrâce coustumiere,  
Il croit, se voyant à cheual,  
Voir Alexandre & Bucefal,  
Il croit que sa seule prudence,  
Le renom de son insolence,  
Le son de ses trente mulets,  
Le grand nombre de ses valets,  
Les destours de sa Polytique,  
Les secrets de son art comique,  
Le verd esclat de ses lauriers,  
Le bruit de ses actes guerriers,  
Le feu de son masse courage,  
Et les rayons de son visage,  
Glaceront les timides cœurs  
De ses fiers & cruels vainqueurs:  
Il croit desia piller Bruxelles,  
Et par des vengeance cruelles  
Traitter comme l'on fit Louvain,  
Après la bataille d'Auain.  
Pour faire de si beaux miracles,  
Il consulte de grands Oracles,  
Le Moyne des Noyers, Seguié,  
Le ieune & le grand Bouthillier,  
Voila les Conseillers supresmes,  
Qu'il consulte aux perils extremes.  
Le Moine, imite saint François,  
Il protege les Suedois,  
Il a le zele Seraphique,  
Il traueille pour l'heretique,  
Il est percé du diuin trait,  
Mais non encor tout à fait,  
Car il porte bien les stigmates,  
Mais non les marques d'escarlates  
Son Capuchon Piramidal  
Ne luy plaist qu'estant à cheual,  
Sur la beste luxurieuse,  
Qui prend la posture amoureuse,  
Et par le branle & par le chocq



Faiſt drefſer la pointe du frocq,  
 Il n'a plus le ſimple equipage  
 Du fameux mulet de bagage,  
 Qui n'auoit comme vn Cordelier,  
 Pour train qu'vn aſne regulier,  
 Ceſte vieille beſte de ſomme  
 A pris le train d'vn Gentil-homme,  
 Qui bien quand le vin l'animoit,  
 Le braue Cavalier ſe nommoit,  
 Il a ſuiuant & ſecretaire  
 Il a caroffe, il a cautere,  
 Il a des laquais inſolens  
 Qui iurēt mieux que ceux des grāds,  
 Il eſt l'oracle des oracles,  
 Il eſt le faiſeur de miracles,  
 L'eſprit Sainct forme ſes diſcours,  
 Vn Ange les eſcrit touſiours,  
 Ils font par tout fleurir la guerre  
 Ils le canonizent en terre,  
 Il eſt des Sainctſ reformateurs,  
 De l'Ordre des freres Mineurs,  
 Il fait vne Regle nouuelle  
 Pour grimper au Ciel ſans eſchelle,  
 Pour y monter à fix cheuaux,  
 Et par des ambitieux trauaux,  
 Gagner Dieu par où les ames  
 Gaignent les eternelles flammes  
 Pour eſtre Capucin d'habit,  
 Pour eſtre eſclaue de credit,  
 Pour eſtre eminent dans l'Egliſe,  
 Pour empourprer la couleur griſe,  
 Pour eſtre martyr des Enfers,  
 Pour eſtre vn monſtre en l'Vniuers.

### Seguier Race d'Apothiquaire,

Eſt vn eſclaue volontaire,  
 Il eſt valet de Richelieu,  
 Et l'adorateur de ce Dieu,  
 Il prend pour regle de Juſtice,

Ce bon ſainct ſans fard ny malice,  
 Il diſt le voyant en Tableau,  
 Le Ciel n'arien faiſt de ſi beau,  
 Ses volonteſ luy ſont ſacrées,  
 Les Aigres iniures ſucrées,  
 Il tremble, il fleſchit les genoux,  
 Il eſt preſt à ſouffrir les coups,  
 L'appelle Monſieur & Maſtre,  
 Et pour luy violent & traſtre,  
 Pour luy ne cognoiſt plus de loix,  
 Pour luy viole tous les droiſts,  
 Sur ſon billet n'oſe rien dire,  
 Seelle trente blancs ſans les lire,  
 Trahit ſon ſens & ſa raiſon,  
 Tant il redoute la priſon,  
 Il eſt morne & melancholique,  
 Il eſt niais & lunatique,  
 Vne linotte eſt ſon iouet,  
 Il eſt ſolitaire & muet,  
 Touſiours penſif & touſiours morne  
 Rumine comme beſte à corne,  
 Il auroit eſté bon Chartreux  
 Car il eſt ſombre & tenebreux,  
 Son humeur pedanteſque & molle  
 Sent tres-bien ſon maſtre d'eſcolle,  
 Il n'a point Nobleſſe de cœur,  
 Quoy qu'aye dit vn lache flateur,  
 Sa perruque en courrant ſa teſte,  
 Couure en meſme temps vne beſte,  
 Car des baſtons au temps iadis  
 Ont rendu ſes ſens eſtourdis,  
 Il va tous les iours à la Meſſe,  
 Sans que ſon iniuſtice ceſſe,  
 Les Moynes gouernent ſon ſiceau,  
 Quand ils veulent il faiſt du veau,  
 Les Ordres Seraphines  
 Luy tiennent lieu de loix diuines,  
 Et la plus ſaincte Faculté  
 Par luy n'a plus de liberté.  
 Si Richelieu deuiend iniuſte,



Contre le Parlement Auguste,  
Il a l'ardeur d'un renegat,  
Et sous mains les choque & les bat:  
Mais son avarice est extrême,  
Et dans sa dignité supreme,  
Il fait le geux & le faquin  
Commes'il n'auoit pas du pain,  
Son ame basse & mercenaire  
Le rend plus cruel qu'un corsaire  
S'il y va de son interest,  
Ou qu'ad quelque maison luy plaist,  
Il ne croit point d'illustre ouirage  
Que de s'enrichir dauantage,  
Et pleure de n'auoir encor,  
Peu gagner un million d'or,  
La F. cette Serruriere,  
Cette layde, cette fripiere,  
Ce dragon qui rapine tout,  
Qui court Paris de bout en bout,  
Pour auoir aux ventes publiques,  
Les meubles les plus magnifiques,  
Et ne donnant qu'un peu d'argent,  
Elle fait trembler le Sergent,  
C'est à Seguir vne harpie,  
Un Demon, qui sans cesse crie,  
Qu'il faut voler à toutes mains,  
Que sans biens les honneurs sont  
vains.

Elle contrefait la bigotte,  
Et se laisse leuer la cotte,  
Assaisonant ses voluptez,  
D'eau beniste & de charitez,  
Son mary caresse les Moynes,  
Elle carresse les Chanoines,  
Et fait avec chacun d'eux  
Ce qu'on peut faire estant deux,  
Des Noyers nouveau Secretaire,  
Merite bien quelque salaire,  
Car il est assez bon valet,  
Quoy que ce ne soit qu'un triboulet,

9  
Et ne cognoist point de prudence  
Que la plus lasche complaisance,  
Et cherche son element,  
Par un infame abaissment,  
sa vertu n'est point scrupuleuse,  
Et d'une adesse merueilleuse,  
Quitte le bien, & suit le mal,  
Selon qu'il plust au Cardinal  
Vne legere suffisance,  
passe en l'y pour grande science,  
Et le signale entre les veaux,  
De Lomenie & phelipeaux:  
Son ame est esgalée à sa mine,  
Elle est petite, foible & fine,  
Et n'a point du tout cét esclat,  
D'un grand Secretaire d'estat,  
sa splendeur n'estant que commune,  
Ne peut aux yeux estre importune,  
et son naturel bas & doux  
Luy donne fort peu de jaloux,  
Seruient, ton Noble genie,  
T'a fait sortir la tyrannie  
De ce regne, où les genereux  
Sont tous pauvres & malheureux,  
Ainsi l'astre par la lumiere,  
esclatte vne vapeur grossiere,  
Qui ternit toute la clarté,  
et qui nous cache sa beauté  
Que si le Soleil chasse l'ombre,  
Il perce le nuage sombre,  
espere que les enuieux  
Te verront un iour glorieux:  
Mais le plus beau des polytiques  
est Chauigny, dont les pratiques  
Luy procurent auant le temps  
Le venin des plus vieux serpens,  
Il est fourbe, il est temeraire,  
ARMAND l'a pour son emissaire  
et vers Monsieur, & vers le Roy,  
et vers tous deux il est sans loy,



Il tromperoit son propre pere,  
 Trahiroit sa propre mere,  
 Si le cours de ses passions  
 Rapportoit à ses actions.  
 Il a tant apris d'un tel Maistre  
 Le Meſtier de fourbe & de traistre.  
 Qu'il eſt le premier Fauory  
 De ce Miniſtre au cul poury.  
 Ses prodigieufes richesses  
 Le ſont brulſer pour deux maitreſſes:  
 par la gloire il eſt emporté,  
 Et par les femmes il eſt d'empté,  
 Son eſprit embrasse les vices,  
 Son corps embrasse les delices,  
 Qui corrompent le iugement,  
 par le brutal debordement,  
 Il ſe flatte de l'eſperance,  
 De ſe voir Duc & pair de France.  
 Et dans ſon deſir violent,  
 Trouue que ſon remede eſt lent.  
 L'amour qu'ARMAND luy porte  
 eſt telle,  
 Qu'elle eſgalle la paternelle,  
 Et ſi ſon pere n'eſtoit doux,  
 Il en pourroit eſtre jaloux.  
 ſa femme apprend d'un bon Stoïque  
 La naturelle Polytique,  
 Et que tout vice eſtant eſgal,  
 L'adultere eſt un petit mal,  
 Mais pour punir ceſte coquette,  
 Il luy rend ce qu'elle luy preſte.  
 Voila les Ieannis, les Sullys,  
 Les Villeroy, les Sylleris,  
 Dont ce fier Tyran de la France  
 Conſulte la rare prudence:  
 Si tu demande des Heraus,  
 Qui nous deſſiurent de nos maux,  
 Les Brezay & les Meillerayes  
 Sont les Medecins de nos playes:  
 Si tu veux des foudres de Mars,

Qui ſeruent de viuants rempars,  
 Coëſlin dans la plaine campagne  
 Sert plus qu'une haute montaigne,  
 Courlay dans l'Empire des flots,  
 Faiſt un grand rocher de ſon dos,  
 Ces deux boſſes preſeruent la Frâce  
 De toute maligne influence.  
 Tous ces braues Auanturiers,  
 Nous promettent mille lauriers:  
 Ils outragent les Capitaines,  
 Ils font des entrepriſes vaines,  
 Et quoy qu'ils craignent les hazards,  
 Ils veulent paſſer pour des Ce-  
 ſars.

Mais qui regne ſur les finances?  
 Bullion, dont les violences  
 Sont le principal instrument  
 De cét heureux gouuernement,  
 Le plus cruel monſtre d'Affrique,  
 Eſt plus doux que ce frenetique,  
 Qui triomphe de nos malheurs,  
 Qui s'engraiſſe de nos douleurs,  
 Qui par ces aduis detestables  
 Rend tous les peuples miſerables,  
 Qui par ſes tyranniques loix  
 Les fait pleurer d'eſtre François.  
 Qui ſurpaſſe les bourreaux memes,  
 ſe plaiſt dans leurs tourmens extre-  
 mes

Qui d'un exil ſ'eſt trempé les mains  
 Dans le ſang de cent mille humains,  
 Qui leur bleſſure renouuelle,  
 Du fer de ſa plume cruelle,  
 Et rit en leur faiſant ſouffrir  
 Mille morts auant que mourir:  
 Eſt-il un merite ſi rare,  
 Qui puiſſe adoucir ce barbare?  
 Le grand Veimard & ſa valeur  
 Peuvent-ils flechir ce voleur?  
 Il ne cognoiſt point de Juſtice,



Que les fougues de son caprice  
 Il outrage les Officiers,  
 Il gourmande les Chancelliers,  
 Armand soustient son insolence,  
 Velle avec luy toute la France,  
 Et pour confirmer les Edicts,  
 Rend les Magistrats interdits  
 Tous les François sont tributaires  
 De ces deux horribles corsaires:  
 Iamais Pirates sur les mers,  
 N'ont faict tant de larcins diuers  
 Ce notonnier ace pillotte,  
 Rapinant avec vne flotte:  
 Cornuel meut les auirons,  
 Luy seul vaut trente larrons,  
 Bullion par ses auarices,  
 Entretient son luxe & son vice,  
 Ce gros Guillaume racourcy,  
 A tousiours le ventre farcy,  
 Et plein de potage & de graisses,  
 Baïse ses infames Maistresses,  
 Le gros Coquet ce gros taureau,  
 Est son honneste macquereau,  
 Voila la fidelle peinture  
 D'vn auorton de nature,  
 D'vn Bacchus, d'vn risre, d'vn Nain  
 D'vn Serpent enflé de venin,  
 Que Lōys d'vn coup de tonner-

re,  
 Doit exterminer de la terre,  
 P A R I S pour illustre tombeau,  
 Luy prepare vn sale ruisseau,  
 Promet de longues funeraïlles,  
 A ses tripes, à ses entrailles,  
 Et s'oblige a grauer son nom,  
 Sur les pilliers de Montfaulcon,  
 Il fera bien la mesme grace,  
 A vn morceau qui le surpasse,  
 En blasphemés & iuremens,  
 Et l'esgalle en debordemens,

Ce Magistrat est adultaire;  
 Iniuste fripon themeraire,  
 Et pour estre fils de Martin:  
 N'est pas moins fils de putain,  
 Dans Paris il vent la Iustice,  
 Il exerce encor la police,  
 Mais on y méprise sa voix,  
 Et l'on hait ses iniustes loix.  
 Grand Senat tu hais tout de mesme  
 Cele lay ce buffle supresme,  
 Le chef honteux d'vn noble corps,  
 L'horreur des viuans & des morts,  
 Cet infame qui sans naissance  
 Sans probité sans suffisance,  
 Et sans auoir seruy les Roys,  
 Se voit sur le trosne des loix,  
 Cet animal faict en Colosse,  
 Ce grand & ce vieux Rosse,  
 Qui n'est bon que pour les harats,  
 Et pour ses amoureux combats,  
 Qui dans Maison rouge se pisme,  
 En baïsant vne garce infame,  
 Qui parut mort entre ses bras,  
 Qu'on trouua couché en ses dras,  
 Qui dans cette extase brutalle  
 Approcha de l'onde infernalle,  
 C'est pour couronner son bon-heur,  
 S'il mouroit en son liêt d'honneur.  
 Cet yutongne n'a rien d'honnesté  
 Son ame est l'ame d'vne beste,  
 Et n'a que de lasches desirs,  
 Et rien que sales plaisirs,  
 Sa maison est vne retraicte  
 Où loge l'ardeur indiscrette,  
 Où regne Venus & Bacchus  
 Des macquereaux & des cocus  
 Curfi, d'Herbelay & de Coruille,  
 Dont il voit la femme & fille,  
 Il se plaist d'estre yure souuent,  
 C'est alors qu'il paroist sçauant,



Et que ceint d'un laurier bacchique  
Il discours de la republique,  
Et la d'Herbelay & de la Tor,  
De leur beauté de son amour,  
Il vieillit sans deuenir sage,  
Il fuit tousiours le mariage,  
Il estoit gendre & tres-meschant,  
Du grand capitaine Marchand,  
Il estoit ciuil à sa femme,  
Brusloit d'une impudique flamme,  
Elle de sa part l'encernoit,  
Prodigue vers qui luy donnoit.  
Ce Boucquin pour nourrir son vice,  
Vend publiquement la Iustice,  
D'Herbelay l'a mise à l'encamp,  
Tire huit mille escus par an,  
Fait ordonner ce qu'on demande  
Pourueu qu'on luy porte vne offran-  
de,  
Se uante parmy les tailleurs,  
Qu'elle est grosse de procureurs,  
Qu'elle enfantera vingt Officiers,  
Le digne prix de ses seruices.  
Que s'il est sale en ses amours,  
Il est plus sot en ses discours,  
Ses harangues sont pedantesques  
Et pleines d'infinies grotesques,  
Empruntant tousiours son Rollet,  
D'un Esprit pedant & follet,  
Il ayme si fort la nature,  
Qu'il parle au Roy d'Agriculture,  
De bien semer, de bien planter  
Desmonder, clacquer, anter,  
Il discours tout d'un art si rare,  
Que dans les iardins il s'esgare,  
Traitte Louys de Vigneron,  
Adiouste cetiltre à son nom,  
Compare un grand arbre à la Fran-  
ce.

Et ce bel Astre à sa prudence,  
Qu'il sçait esbranler les Estats,  
Qu'il sçait couper les Potentats,  
Qu'il sçait anter guerre sur guerre,  
Qu'il sçait bien cultiuier les terres  
Ainsi ce sublime Orateur,  
Ce sage & delicat flatteur,  
Ce Satyre à la gorge ouuerte,  
Ce beau porteur de cire verte,  
Cet Athée ennemy de Dieu,  
S'est fait amy de Richelieu,  
Il est traistre à sa compagnie,  
Les soubmet à la tyrannie,  
Denonce les plus gueux,  
Excite Richelieu contre eux,  
et fait qu'il ordonne un supplice,  
Pour le courage & la Iustice,  
Il bannit les bons Magistrats,  
Comme perturbateurs d'Estats,  
Introduit par toute la France  
Le crime de leze Eminence,  
Vange avec moins de cruauté  
Celuy de leze Majesté,  
Il fait reuerer sa personne,  
Plus que Louis & sa Couronne,  
Par ses seruices dignes de feu,  
Il a gaigné le cordon bleu,  
Cordon qui seruira de corde,  
Si on luy fait misericorde,  
Car la rouë à peine est le prix  
Des attentats qu'il a commis,  
Armand à ces ames si pures,  
Dispense les Magistratures,  
et faict regner sur les subiets  
Ceux qui sont dignes de gibets,  
C'est la conduite admirable,  
De ce Ministre incomparable,  
De ce Capitan sourcilieux,  
De ce Matamore orgueilleux,  
De ce ieune Hercule des Gaules,

Qui



Qui les porte sur ses espauls,  
 Qui sous ce faix n'est iamais las,  
 Qui n'a point besoin d'un Atlas,  
 Et qui dessus sa maigre eschine  
 Veut porter la ronde machine.  
 Ce Courtisan subtil & vain,  
 A fait le Politique en vain,  
 Les fautes sont toutes visibles  
 Et ne nous sont que trop sensibles,  
 Les premieres prosperitez  
 L'ont signalé de tous costez,  
 Mais les auantures finistres  
 L'ont mis au rang des fots Mini-  
 stres,  
 Et est que dans les grands malheurs  
 Que l'on reconnoist les grands  
 cœurs  
 L'esclat des heureuses fortunes,  
 Rend rares les ames communes,  
 Et les ouurages du hazard  
 Passent pour Chef-d'œuvre de l'art.  
 Tout pilote est bon sans orage.  
 L'imprudent alors paroist sage:  
 Mais il se monstre ingenieux  
 Lors que les flots montent aux  
 Cieux.  
 Quand Dieu punissoit l'infidelle,  
 Quand il foudroioit les rebelles,  
 Quand il vengeoit le droit des  
 Rois,  
 Quand il combattoit pour les loix,  
 Quand il charioit la Sauoye,  
 Quand il nous la donnoit en proye,  
 Quand il se seruoit de nos mains,  
 Pour deliurer les souverains:  
 Armand estoit esgal aux Anges,  
 Et les flateurs dans les loüanges  
 Donnoient au bras de Richelieu  
 Les miracles du droit de Dieu.  
 Non que par ses soins & ses veilles,

Il n'ait eu part à ces merueilles,  
 Et que Dieu n'ait des instrumens,  
 Des plus fameux euenemens:  
 Mais la diuine prouidence,  
 Conduisoit sa foible prudence,  
 La force des Astres diuains,  
 Mettoit la force en ses mains.  
 Dieu regloit les causes secondes  
 Et calmoit la fureur des ondes:  
 Il leur faisoit baisser alors,  
 Nostre digue ainsi que leurs bords,  
 Et la prouidence eternelle,  
 La destruiet apres la Rochelle,  
 Donnons-en la loüange à Dieu,  
 Non pas au nom de Richelieu,  
 Dans Ré, dans Cazal, & Man-  
 touë  
 Qui n'a point veu que Dieu se iouë  
 Des vains & des ambitieux,  
 Qui pensent escheller les Cieux?  
 Lors que le Seigneur des batailles,  
 Attaque ou deffend des murailles,  
 Les foibles domptent les puissans,  
 et les Nains vainquent les Geans,  
 Sous luy les hommes obeissent,  
 Sous luy les elemens flechissent,  
 Il retient le cours du Soleil,  
 Il destourne vn sage Conseil,  
 Il glace de peur les armées,  
 Il les rend d'ardeur enflammées,  
 Il meut leurs corps, pousse leur bras,  
 Dresse leurs mains regle leurs pas,  
 Et par des detours inuisibles,  
 Conduit les ouurages sensibles.  
 Armand faisoit fleurir les Lys,  
 quand Dieu perdoit nos ennemis,  
 Armand ne trouuoit point d'obsta-  
 cles,  
 Quand Dieu nous faisoit des mira-  
 cles:



Mais quand il a pris pour obiect,  
 D'estre plustost Roy que subiect,  
 De faire adorer sa prudence,  
 Plus que sa Royale puissance,  
 D'estre le Tyran des François,  
 Et le fleau des plus grands Rois,  
 D'eterniser dedans la terre  
 Le triste flambeau de la guerre,  
 De violer tous les Traictez,  
 De voler toutes les Citez,  
 D'vsurper toute la Lorraine,  
 D'emprisonner sa Souueraine,  
 De separer ce que Dieu ioinct,  
 De mespriser ce qu'il enioinct,  
 De rendre l'Eglise asservie,  
 De ne luy laisser que la vie,  
 De la faire esclau des Rois,  
 De rauer ses biens & ses droicts,  
 De dissoudre vn saint mariage,  
 Pour faire vn ridicule ouurage,  
 Pour ioindre avec des ieunes Lys,  
 Des grateculs & seps vieilliss,  
 Pour mesler le sang de la France  
 Au vil sang de son Eminence,  
 Pour faire Reyne Combalet  
 La veufue d'un pauvre Argoulet,  
 La posterité d'un Notaire,  
 L'Hermaphrodite volontaire,  
 L'Amante & l'Amant de Vigean,  
 La Princesse autoint de safran,  
 La Nayade, qui dans sa chambre  
 Tient vne fontaine d'eau d'Ambre,  
 Et le chaste Dieu des Iardins,  
 Parmy ses Lys & ses Iasmins:  
 Quand renuersant le cours des choses  
 Il a fait des Metamorphoses,  
 A rendu Vierge Combalet  
 La femme d'un Maistre Mulet,  
 Alors les Celestes puissances,

N'ont pû souffrir ses insolences  
 On a veu cét audacieux  
 Hay de la Terre & des Cieux,  
 On a veu ses palmes fanées,  
 Depuis le cours de trois années,  
 Dieu ne reglant plus ses desseins,  
 ils ont paru des songes vains:  
 Car vouloir vaincre l'Allemagne,  
 Et dompter la Maison d'Espagne,  
 En laissant perir nos soldats  
 Victorieux aux pays Bas,  
 En consumant l'or des finances  
 Dans l'esclat des magnificences,  
 En prodiguant pour les Duchesses,  
 De quoy munir les forteresses,  
 En amassant de grands tresors  
 Dedans le Havre & autres Ports,  
 En laissant dans les autres villes  
 Des troupes foibles & debiles,  
 Ayant plus de soing des prisons,  
 Que des Forts & des Garnisons,  
 C'estoit vn dessein Chimérique  
 Digne de ce grand Polytique,  
 D'un Heros au dessus des noms  
 Du Roy des petites Maisons,  
 Ses visions creuses & folles  
 Ont mis les forces Espagnoles  
 Dans le sein de l'Estat François,  
 Et pres du Trosne de nos Rois  
 La France a receu mille atteintes,  
 Ses douleurs esgallent ses craintes,  
 Tous ses membres sont languissans,  
 La guerre a perclus tous ses sens,  
 Et la vigueur de sa Noblesse  
 N'est plus auioird'huy que foiblesse.  
 Elle est malade en tout son corps  
 Ne peut faire de grands efforts,  
 A besoin que la main Diuine  
 Le preserue de sa ruine,



Et ne doit demander à Dieu,  
Que la perte de Richelieu,  
Car si le Ciel benit nos larmes,  
S'il seche le cours de nos armes,  
Et qu'ARMAND possede LOVIS,  
Par ses mensonges inouïs,  
Il reprendra sa tyrannie,  
Il redoublera sa manie,  
Il bannira les plus puissans,  
Il perdra les plus Innocens,  
Il conçoit desia des vengeancees,  
Il prepare des violences,  
Ce lyon bat desia son flanc,  
Son cœur est alteré de sang,  
Ses yeux estincellans de rage,  
Sa gueulle s'apreste au carnage.  
Faut il que combattant pour nous,  
Nous nous exposions à ses coups,  
Et qu'en deffendant nos murailles?  
Ce Serpent ronge nos entrailles,  
Faut-il qu'en assurant nos biens,  
Nous nous asscurions nos liens?  
Faut-il qu'en gardant nostre mai-  
stre,  
Nous gardions ce barbare Prestre,

Et qu'esclaves comme deuant  
Nous nous perdions en nous sau-  
uant?  
Grand Roy banny par ta puissance,  
La seruitude de la France,  
Chasse l'orgueilleux Potentat,  
Et le Demon de ton Estat.  
Ton triomphe sera funeste,  
Si ce cruel Monstre nous reste,  
Ouvre les yeux, arme ton bras,  
Pour mettre deux tyrans à bas,  
Couronne les faicts de la Gloire,  
Qu'auroit ceste double victoire,  
faits punir l'Autheur de nos maux,  
L'autheur de mille & mille impos,  
faictes que la iustice diuine  
Accable ce nouveau Conchine,  
Laisse deschirer à Paris,  
Le plus meschant des fauoris,  
Et fuy en sauuant la Couronne,  
Cet Oracle de la Sorbonne,  
Son Sepulchre en vain sera beau,  
Les tyrans n'ont point de tom-  
beau.

F I N.



